

第一一八冊目次

佛說大乘菩薩藏正法經四十卷	宋法護譯	一
大悲心陀羅尼修行念誦略儀一卷	唐不空譯	二四八
妙吉祥平等觀門大教王經略出護摩儀一卷	宋慈賢譯	二五四
金剛頂超勝三界經說文殊五字真言勝相一卷	唐不空譯	二六〇
蘇悉地羯羅供養法三卷	唐善無畏譯	二六二
大元帝師說根本一切有部出家授近圓羯磨儀範一卷	元拔合思巴述	二八九
大元帝師說根本一切有部苾芻習學略法一卷	元拔合思巴述	三〇六
大乘法界無差別論一卷	唐提雲般若譯	三一四
金剛頂瑜伽中發阿耨多羅三藐三菩提心論一卷	唐不空譯	三一九
根本說一切有部毗奈耶破僧事二十卷	唐義淨譯	三二五
菩薩本生鬘論十六卷(一)	宋慧詢等譯	五七八

大宋新譯三藏聖教序

霸一

太宗神功聖德文武皇帝製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四

生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁懸極拯溺於三業途中經垂世以難窮道無私而永泰雪山貝葉若銀臺之耀目歲月煙蘿起香界之自遠巍巍罕測杳杳難名所以道資十聖德被三賢至道起於乾元衆妙生乎太易摠繁形類竅鑿昏明絕彼是非開茲蒙昧有西域法師天息災等常

持四忍早悟三乘翻貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成彰礙救諸疲羸冥昧慈悲浩汗物表柔伏貪佞啓滌昏愚演

小乘聲聞合其儀論大乘正覺立其性舍靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方樹華雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閑豈堪序文以示來者如縻螢燭火不足比之於皎日將微蠹量海未能窮盡於深淵者哉
繼作聖教序

真宗文明章聖元孝皇帝製

高明肇分三辰方乃序其次厚載初定萬彙於以發乎端清濁之體既彰善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九

蕭一

二

圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圓仁慈普布化蠻貊則萬邦輻湊躋烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其邃宇校彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新驚嶺之苾芻仰歎由是三乘共貫四諦同圓盡苦空真正之言顯秘密精研之義讚相相乎

實相論空空乎盡空華嚴之理合軌轍金像之教同規矩朕續嗣丕構恭臨寶圖常翼翼而撫兆民每兢兢而守

先訓以至釋典尤未精詳諒其幽深曷能探測有譯經西域僧法賢奏章懇切致意專勤以先皇帝大闡真風高傳佛旨興前王之

聖典振覺路之類綱欲旌天造之功庸用廣

聖文之述作請予製序繼聖教焉自聖考上僊追號罔息政事之外何暇經心今已禪除思臻微奧雖幼承慈誨柰夙乏通才焉窮乎

蕭一

法海之津涯莫造乎空門之闡域略敷大意以徇輿情蹄涔不足擬浴日之波尺璧豈能量昊天影聊述短序以紀聖功者焉佛說大乘菩薩藏正法經卷第一

西天譯經三藏朝奉大夫試光祿卿傳梵齋歸崇善院臣法護等奉詔譯長者賢護品第一之一

如是我聞一時世尊在舍衛國坐夏安居滿三月已出行訪其裁製成辦衣服之者與大苾芻衆千二百五十人俱并餘苾芻苾芻尼優婆塞優婆夷國王大臣沙門婆羅門長者及諸外道乃至天龍夜叉乾闥婆阿修羅迦樓羅緊那羅摩睺羅伽等於佛世尊尊重恭

信志誠供養世尊受世供利與世福田所謂飲食衣服坐卧之具病緣醫藥及餘廣多受用等物以佛世尊名稱善譽殊勝高顯超出世間如來應供正等正覺明行足善逝世間解無上士調御丈夫天人師佛世尊十號具足於天人阿修羅沙門婆羅門若魔若梵一

切世間大衆之中以自通力而證聖果隨所遊止宣說正法初善中善後善文義深遠純一無雜圓滿清白梵行之相

尔時世尊徐緩而至摩伽陀國次第經行至王舍大城到已止於鷲峯山中是時王舍城中有一長者其名賢護宿植善本於先佛所

廣作佛事具大財富廣多主宰受用之物積以金銀財穀庫藏增集摩尼真珠磲磬珊瑚吠瑠璃等及諸象馬牛羊奴婢侍從并營作人時賢護長者聞沙門瞿曇從王宮出俾信出家與大苾芻衆千二百五十人俱經遊摩伽陀國次第至於王舍大城止其鷲峯山中

而彼沙門瞿曇具足廣大色相功德名稱善譽超出世間成正覺果如來應供正等正覺明行足善逝世間解無上士調御丈夫天人師佛世尊隨其所應宣說正法初善中善後善文義深遠純一無雜圓滿清白梵行之相長者即作是念我今宜應詣彼沙門瞿曇之

霸一

所親近瞻禮彼佛如來應供正等正覺色相功德斯為甚善時賢護長者作是念已即與五百長者俱出王舍大城詣佛瞻禮

尔時世尊日初分時著衣持鉢與苾芻衆恭信圍繞入王舍大城次第乞食而佛世尊威儀嚴肅履步調寂清淨光明普照世間進止

屈伸端直清淨時賢護等五百長者遙見世尊徐徐而來威容相好清淨端嚴諸根調柔意念寂靜勝善調伏如大龍王復類泉流清淨無染有無數天人大眾導從圍繞身相巍巍猶紫金色三十二相八十種好莊嚴具足天雨衆花廣大殊妙其所雨花周徧稠密復

有千俱胝葉七寶蓮花隨足而蹈世尊具是無數百千威儀功德自遠而來時諸長者於其路左如是見已於佛世尊深生淨信以清淨心前詣佛所到佛所已頭面禮足肅躬恭信住立佛前時賢護等五百長者俱白佛言世尊瞿曇於大眾中相好增勝世尊瞿曇於

大眾中威德增勝世尊於大眾中名稱增勝世尊瞿曇於大眾中光明增勝世尊瞿曇真金色相取上增勝世尊身相如古金仙世尊身相妙無等等世尊諸相具希有法世尊瞿曇一切世間無與等者我見世尊具足如是威相功德以何緣故捨家出家

爾一

五

尔時賢護長者即以偈詞而伸讚歎

如我昔聞佛世尊
名稱吉祥及威德
最上妙相我今觀
殊勝光明具如是
清淨妙好真金相
金色高勝衆所觀
離塵無染處衆中
如衆星中妙月現
我昔歸命人中尊
如須彌一極高勝

猶天妙蓋頂相嚴
周徧次第而普覆
頂骨首髮軟復滑
同彼帝青妙色相
頸相猶如孔雀王
右旋宛轉而柔軟
額廣平正復潔白
雙眉猶如帝釋弓
眉間毫相淨復明
如星中王善昭曜
兩目善妙喜愛相
觀者咸生歡悅意

諦觀不起厭足心
頂禮世尊清淨耳
我觀人中尊鼻相
隆高脩直如金山
唇如琥珀頻頻婆
清淨復如淨珠寶
齒相明淨復潔白
如乳如藕及如鴨
堅牢清淨密復齊
隨所動轉而善愛
大小諸齒密不厚
四牙鋒利而無垢

猶如鵝王處鵝群
面如初日淨光照
舌相淨妙而廣長
我於天人梵世中
耳輪猶如師子王
我觀喉相具威德

光瑩清淨白中白
青優鉢羅及銅色
徧覆面門悉清淨
未嘗見佛妙相好
具師子相善無畏
善納眾味淨光明

正直頸項無曲邪
容儀敦肅而殊妙
取勝吉祥人中尊
七處平滿其所謂
一頸平滿七處同
雙臂脩直復臚圓

常得味中之上味
七處平滿世所聞
如日光明現峯頂
二手足心及二肩
圓具清淨而明煥
其猶龍王妙清淨

無高無下二臂同
上半身如師子王
猶那羅延不壞身
身毛上靡而柔軟
塵臂不染淨妙身
陰蔽隱覆而復密

雙垂一臂立過膝
如尼拘陀身圓滿
大力忍力皆具足
彼一一毛皆右旋
譬彼蓮花不著水
猶如調善妙馬王

雙胫其猶軟草同
足跟平滿趺相稱
復如鵝王指纖長
手指纖長赤銅甲
足下圓具千輻輪
復步平滿無高下

雙腠次第而安生
手足皆具網鞞相
手足數周二十指
諸指柔毛而下覆
踝骨不羸而不現
行時離地及四指

世間最勝妙相圓
世尊行步大無畏
不遲不速處中平
諸天雨眾微妙花
非人供養啓恭虔
色相超越毗沙門

按地寶蓮隨足蹈
如師子王無高下
遊戲自在無恐畏
空中梵奏妙音樂
此佛神通希有相
威光勝踰百千日

天人魔梵諸眾中
今我內心起疑念
復見何等功德門
今時世尊告賢護等諸長者言諸長者我見
十種諸燒亂法世間合集斯苦甚大何等爲
十一者生爲燒亂二者老爲燒亂三者病爲

燒亂四者死為燒亂五者憂為燒亂六者悲為燒亂七者苦為燒亂八者煩惱為燒亂九者愁歎為燒亂十者輪迴為燒亂如是十種諸燒亂法世間合集我見已是故我乃淨信出家趣證阿耨多羅三藐三菩提果
爾時世尊欲重宣此義而說偈言

爾時

七

諸愚夫異生 輪迴網羈絆 生燒亂愁歎
老病旋逼逐 憂悲故苦惱 死法來吞食
若救度出離 解脫三有網
復次長者瞋之一法五相損害世間合集斯
苦甚大損害有十何等為十一者以我心故
過去已作諸損害事二者生起思念現在今

作諸損害事三者生起思念未來當作諸損害事四者我所愛者生起思念而不已作諸損害事五者我所愛者生起思念而不念作諸損害事六者我所愛者生起思念而不當作諸損害事七者非我愛者生起思念過去已作諸損害事八者非我愛著生起思念現

在今作諸損害事九者非我愛者生起思念未來當作諸損害事十者生起思念作無義利損害過失如是十種諸損害事世間合集我見是已為令離彼諸損害故是故我乃淨信出家趣證阿耨多羅三藐三菩提果
爾時世尊重說偈言

眾生瞋最大 各各互相害 已現當損害
成十損害事 愛者不生害 已作及當作
現作亦復然 不成損害法 於我非友愛
作諸損害事 已現當亦然 生損害罪業
并無義過失 十損害纏縛 我見損害法
乃淨信出家

復次長者種種見中諸險惡見世間合集斯苦甚大險惡見者有其十種何等為十一者於我見中起險惡見二者眾生見中起險惡見三者壽者見中起險惡見四者於人見中起險惡見五者於斷見中起險惡見六者於常見中起險惡見七者無作見中起險惡見

八者無因見中起險惡見九者不平等見中起險惡見十者於邪見中起險惡見如是十種諸險惡見我見是已為欲普令破諸見故是故我乃淨信出家趣證阿耨多羅三藐三菩提果 尔時世尊重說偈言

霸一

余

我人衆生見

壽者見亦然 諸愚夫異生

險惡見所覆

斷常及無作

邪無因不平

令安立正見

是故我出家

我於阿僧祇

那庾多百千

俱胝劫數中

為衆生利樂

復次長者有大病箭世間合集斯苦甚大大病箭者有其十種何等為十一者愛箭二者無明箭三者欲箭四者貪箭五者瞋箭六者

癡箭七者慢箭八者見箭九者成箭十者壞

箭如是十種諸大病箭我欲普令悉得拔除

是故我乃淨信出家趣證阿耨多羅三藐三

菩提果

尔時世尊重說偈言

愛箭故貪積

無智故暗冥

無明癡暗覆

旋趣於作蘊

欲箭隨射激

貪箭故吞食

瞋箭起昏迷 癡箭都所覆 見箭起違背 慢成壞亦然 諸愚夫異生 乃互相毀咎 此妄此真實 互相與違諍 破世間病箭 唯佛無生法 世間諸衆生 常為箭所射 為救護拔除 悉令離諸苦

佛說大乘菩薩藏正法經卷第一

霸一

佛說大乘菩薩藏正法經卷第二

霸二

西天譯經三藏朝散大夫試光祿卿僧正大師賜紫沙門慧覺等奉 譯

長者賢護品第一之二

復次長者愛等諸法建立根本世間合集斯

苦甚大愛根本法有其十種何等為十一者

以愛緣故而起追求二者追求緣故乃生貪

著三者以貪緣故而興我見四者我見緣故

計為決定五者決定緣故乃生欲貪六者欲

貪緣故即起計著七者計著緣故而生慳悋

八者慳悋緣故而為執取九者執取緣故即

不防護十者不防護緣而生衆苦以不護故

執持刀杖鬪戰諍訟由此因故興兩舌等多

種罪業不善之法如是十種受根本法世間
合集我見是已欲令安立無根本法是故我
乃淨信出家趣證阿耨多羅三藐三菩提果
尔時世尊重說偈言

衆生愛所吞 於此彼追求 得利貪我見
所受爲決定 此事我當作 乃欲貪增長

欲貪增長已 計著生慳悋 世間慳過失
堅固而執著 以執故不護 起罪欲相續
愚者以不護 執刀杖損害 廣作諸罪業
其後苦增長 愛緣增長已 乃生於衆苦
我證勝菩提 令住無根本

復次長者邪定聚法世間合集斯苦甚大邪

法有十何等爲十一者邪見二者邪思惟三
者邪語四者邪業五者邪命六者邪勤七者
邪念八者邪定九者邪解脫十者邪智如是
十種邪定聚法世間合集斯苦甚大我見是
已普令超越一切邪法是故我乃淨信出家
趣證阿耨多羅三藐三菩提果

尔時世尊重說偈言

邪見所含蔽 邪思惟境界

起作諸邪業 邪命及邪勤

起彼邪解脫 一向生邪智

諸愚者安立 今翻邪入正

復次長者惡道深險世間合集斯苦甚大漸

向惡趣增長惡趣廣開惡趣謂不善業有其

十種何等爲十一者殺生二者偷盜三者邪

染四者妄言五者綺語六者兩舌七者惡口

八者貪九者瞋十者邪見如是十種不善業

道漸向惡趣增長惡趣廣開惡趣我見是已

爲令出離諸險惡道是故我乃淨信出家趣

證阿耨多羅三藐三菩提果

尔時世尊重說偈言

衆生起殺命 侵取他財物

速墮於地獄 兩舌及惡口

愚者綺飾語 異生煩惱縛

瞋起諸過失 邪見破壞多

當墮於惡趣

欲行徧行

妄言無決定

貪心樂他富

當墮於惡趣

身有三種罪 語四種應知 意三罪亦然

作者墮惡趣 若造諸罪者 定墮於惡趣

若離此三罪 必不墮惡趣

復次長者煩惱隨煩惱諸雜染垢世間合集
斯苦甚大雜染有十何等為十一者慳悋垢
雜染二者毀戒垢雜染三者瞋恚垢雜染四

者懈怠垢雜染五者散亂垢雜染六者惡慧
垢雜染七者無間垢雜染八者疑惑垢雜染
九者無信解垢雜染十者不尊重垢雜染如
是十種諸雜染法世間合集我見是已普令
安住無雜染法是故我乃淨信出家趣證阿
耨多羅三藐三菩提果

尔時世尊重說偈言

世間相續法 十雜染逼迫 著有為雜染

暫時無疲懈 諸愚夫異生 慳垢所染汚

戒學攝衆生 破壞而不具 愚者背忍辱

懈怠劣相進 不能安定心 惡慧而癡鈍

父母及尊長 師尊皆遠離 不見世光明

霸二

三

惡慧起疑念 佛說甚深法 而生於毀謗

癡暗法所覆 聖法不尊重 見雜染法已

不著於有為 無為無染汚 令衆生寂滅

復次長者生死怖畏世間合集斯苦甚大比
有十種何等為十一者慳之與嫉覆蓋成結
斯苦甚大二者無明分法常所繫纏斯苦甚

大三者欲海汎溢斯苦甚大四者欲中艱苦
支節摧壞斯苦甚大五者親愛纏縛欲箭所
射斯苦甚大六者忿恨煙塵蓬煇充塞發明
熾焰斯苦甚大七者貪火燒然斯苦甚大八
者瞋毒隱覆斯苦甚大九者癡障如刺斯苦
甚大十者生死曠野險難怖畏纏縛隨逐斯

苦甚大我見如是十種法已欲令除斷是故

我乃淨信出家趣證阿耨多羅三藐三菩提

果

尔時世尊總以前義重說偈言

生及壯年老吞食 色相壞為非色相

無念無慧損滅門 此法能壞世間相

病能吞食於色力
而復損減於諸根
死怖其猶羅刹吼
時來命盡無愛心
老病死法極猛惡
不差不死安樂門

勢分精進悉摧毀
貧劣力而無依怙
常時隨逐群生類
壞滅世間諸壽命
燒亂世間諸眾生
我出家為勤求故

三火燒然於世間
我起救護世間心
世間正道皆破壞
願聞淨目施眾生
眾生疑惑心所起
我願當除惡作心

不見世間救護者
願灑甘雨息諸火
無目昏冥復癡暗
出家顯示於正道
乃為諸障所障覆
故出家已宣正法

眾生互相起違背
故我出家利世間
世間父母極親愛
欲令摧折我慢懂
我見眾生貪所覆
若能獲得七聖財

伺求過失而斷壞
普願眾生息瞋恚
眾生慢心不尊重
是故出家為救護
由財物緣致墜隨
當令世間離貧苦

霸二

四

眾生互相起違害
決定破壞於自身
愚人不了於義利
我欲利益故出家
眾生耽湎於地獄
種種惡毒廣無邊

以無義利已資養
是故我令離三有
如是徧滿三界中
當示世間正義法
我見極受諸苦惱
我出家故令解脫

眾生互相起殺害
起悲願故我出家
我見餓鬼趣眾生
我證無上大菩提
人中追求為大苦
了知三界諸苦深

旋復畜生諸趣中
無依眾生作依怙
極受飢渴諸苦惱
普施最上甘露食
天中謝滅苦極增
故我出家為救拔

世間有諸無慙者
不擇眷屬及尊親
著欲繫屬於女人
起無義利憍醉心
眾生破壞不自在
我出家已得菩提

為欲迷亂惡眾生
欲染吞食猶猪犬
我見眾生為所縛
故我出家為救護
恐怖至死不解脫
普令覺悟皆自在

白衣舍中無義利 我見百千種過失
我今轉此諸地方 皆令出離生死際
尔時賢護等五百長者聞佛所說發希有心
咸你是言佛善提者斯為廣大我等方知佛
為真覺 時諸長者異口同音而說偈言
我等五百諸長者 以恐怖故來投佛

霸二

五

願說無上勝法門 出離老死苦邊際
世尊圓淨相清淨 已離三有得解脫
救度三有成壞門 離三有舍令自在
離貪解脫無所畏 離塵無垢清淨心
無上善調大導師 開明無上甘露法
無上丈夫住勝相 天人世間無與等

無等等者世間尊 演上中上大悲法
盡諸過失三垢斷 具清淨目離昏冥
塵暗癡網悉蠲除 宣說無邊離塵法
悲愍世間無依怙 三有流中為提拔
悲心中起大慈心 速令出離善安住
憍慢癡惡生死海 病苦違害如潮流

無救沉溺諸眾生 佛悲愍故為救度
佛身清淨如金山 圓具百種勝威光
甘美最上大梵音 妙寶語言宣勝法
諸法自性皆清淨 本來明亮淨亦然
無作作受亦不亡 為無聞者善開示
無邊名稱所行善 十方無畏自然智

意等虛空智無邊 善說沙門誓願法

尔時世尊即起是念此五百長者善根成熟
我今應當隨其所宜為說 茲令此地方轉白
夜舍成出家相盡諸有漏作證邊際
尔時世尊即於空中加趺而坐是時五百長
者於佛世尊深生愛樂淨信尊重種種施作

善妙親近

尔時世尊告五百長者汝諸長者世間所有
生老病死憂悲苦惱愁歎輪迴如是十種諸
燒亂法汝等各欲求解脫邪
又復世間已作現作及彼當作愛非愛中起
無義利如是十種諸損害事汝等各欲求解

脫邪

又復世間種種見中諸險惡見所謂我人衆生壽者斷常無你無因不平及彼邪見如是十種諸險惡見汝等各欲求解脫邪

案

求解脫邪

又復世間愛根本法所謂愛故追求追求故貪貪故我見我見故決定決定故欲貪欲貪故計著計著故慳慳故執取執取故不防護不防護故生苦如是十種愛根本法汝等各欲求解脫邪

又復世間邪定聚法所謂邪見邪思惟邪語邪業邪命邪勤邪念邪定邪解脫邪智如是十種邪定聚法汝等各欲求解脫邪

佛說大乘菩薩藏正法經卷第二 霸三

佛說大乘菩薩藏正法經卷第三 霸三

西天譯經三藏朝散大夫試光祿卿傳梵大師賜紫沙門臣法護等奉詔譯長者賢護品第一之三

復次長者又復世間十不善業所謂殺生偷盜邪染妄言綺語兩舌惡口貪瞋邪見如是十種不善業道汝等各欲求解脫邪又復世

霸三

間十雜染法所謂慳慳雜染毀戒雜染瞋恚雜染懈怠雜染散亂雜染惡慧雜染無聞雜染疑惑雜染無信解雜染不尊重雜染如是十種雜染之法汝等各欲求解脫邪又復世間有其十種生死怖畏所謂慳嫉覆蓋無明繫纏欲海汎溢欲中艱苦欲箭所射忿恨煙塞貪火燒然瞋毒隱覆癡鄣如刺生死曠野險難怖畏如是十種生死怖畏汝等各欲求解脫邪

尔時五百長者異口同音前白佛言世尊我等各欲解脫十種燒亂之法總畧而言乃至十種生死怖畏被彼十法我等各欲悉求解

脫

余時世尊告五百長者言汝等各欲求解脫者而彼解脫從何所求諸長者眼不欲解脫何以故眼本無轉亦復無作眼無所思亦無了知是故應知眼本不從我之建立諸長者耳鼻舌身意本無轉亦復無作意無所思亦

無了知是故應知意本不從我之建立諸長者色不欲解脫何以故色無所轉亦復無作色無所思亦無了知是故應知色本不從我之建立聲香味觸法不欲解脫何以故法無所轉亦復無作法無所思亦無了知是故應知法本不從我之建立

又復長者色蘊不欲解脫何以故色蘊無轉亦復無作色蘊無思亦無了知是故應知色蘊不從我之建立受蘊想蘊行蘊識蘊不知解脫何以故識蘊無轉亦復無作識蘊無思亦無了知是故應知識蘊不從我之建立又復長者地界不欲解脫何以故地界無轉

亦復無作地界無思亦無了知是故應知地界不從我之建立水火風空識界不欲解脫何以故識界無轉亦無所作識界無思亦無了知是故應知識界不從我之建立

諸長者當知一切法皆從虛妄分別所起整屬於緣無力劣弱從緣而轉若有緣法而彼

三

諸法即可施設若無諸法亦復無所施設然於一切法所施設中無有少法而可了知亦無少法若生若滅若起若盡復無別法爲斷爲常汝諸長者以是緣故應如是知彼一切法皆從虛妄分別所起繫屬於緣無力劣弱從緣而轉若有緣故而彼諸法即可施設緣法若無諸法亦復無所施設然於一切法所施設中亦無少法而可了知亦無少法若生若滅若起若盡復無別法爲斷爲常汝等當知若有虛妄分別不如理作意即可施設若無虛妄分別不如理作意無所施設若有不如理作意而彼無明即可施設若無不如

理作意無明亦復無所施設無明有故行有
施設無明無故行無施設諸行有故識有施
設諸行無故識無施設識法有故而彼名色
即可施設識法無故名色亦復無所施設名
色有故而彼六處即可施設名色無故六處
亦復無所施設六處有故觸可施設六處無

故觸法亦復無所施設觸法有故受可施設
觸法無故受法亦復無所施設受法有故愛
可施設受法無故愛法亦復無所施設愛法
有故取可施設愛法無故取法亦復無所施
設取法有故有可施設取法無故有法亦復
無所施設有法有故生可施設有法無故生

三

三

法亦復無所施設生法有故而彼老死即可
施設生法無故老死亦復無所施設此中應
知何名為老謂狀貌衰變喘息呻吟策杖而
行諸根熟異壽命減沒行相朽舊如是所說
故名爲老何名為死謂終歿時至滅所威相
諸蘊離散身墜於地被衆同分壞謝變異如

是所說故名爲死此是老相此是死相總而
言之名爲老死生法有故而彼老死即可施
設生法無故老死亦復無所施設何名為生
謂發生孺起出胎成立五蘊起聚六處圓具
被衆同分次第合集如是所說故名爲生有
法有故生可施設有法無故生法亦復無所

施設何名為有謂欲有色有無色有此名為
有取法有故有可施設取法無故有法亦復
無所施設何名為取謂欲取見取戒禁取我
語取如是所說故名爲取愛法有故取可施
設愛法無故取法亦復無所施設何名為愛
謂色愛聲愛味愛觸愛法愛如是所說故

名為愛愛有故愛可施設受法無故愛法亦
復無所施設何名為受謂眼觸爲緣所生諸
受耳觸爲緣所生諸受鼻觸爲緣所生諸受
舌觸爲緣所生諸受身觸爲緣所生諸受意
觸爲緣所生諸受如是所說故名爲受觸法
有故受可施設觸法無故受法亦復無所施

設何名為觸謂眼觸耳觸鼻觸舌觸身觸意觸如是所說故名爲觸六處有故觸可施設六處無故觸法亦復無所施設何名六處謂眼處耳處鼻處舌處身處意處如是所說故名六處名色有故而彼六處即可施設名色無故六處亦復無所施設何名色謂受想行

號之爲名受觸作意及彼四大四大所造號之爲色總而言之故曰名色識法有故而彼名色即可施設識法無故名色亦復無所施設何名為識謂眼識耳識鼻識舌識身識意識如是所說故名爲識行法有故識可施設行法無故識法亦復無所施設何名爲行謂

三

色徧思聲徧思香徧思味徧思觸徧思法徧思如是所說

故名爲行無明有故行可施設無明無故諸行亦復無所施設何名無明謂不知先際不知後際不知先後際不知內不知外中間不知苦集滅道四聖諦法不知於緣不知緣生

法中若黑若白不知緣與非緣不知對礙非對碍不知有罪無罪不知所應親近不應親近於諸法中不知不見不能覺了現前三昧如是所說故名無明不如理作意有故而彼無明即可施設不如理作意無故無明亦復無所施設何名不如理作意謂我於先世爲

有爲無我於先世已過去耶未過去耶我於先世爲類何等我於未來世當復何等爲有爲無未來世中當在何處我於未來世復類何等於內法中其復云何有我無我而生疑惑爲有爲無何者是生何者不生若有所生復類何等由起如是不如理作意故於其六

見及餘見中有所生起即起有我之見無我之見於我我所中不能平等如理而觀以不平等如理觀故如是乃有諸見生起是故有我及有世間即有緣法其緣法者無常無強無力無堅是不究竟變壞之法於不究竟法中計爲正住及正安立此見成已是故說名

三

五

不如理作意虛妄分別有故不如理作意即可施設虛妄分別無故不如理作意無所施設何名虛妄分別謂我人衆生壽者補特伽羅儒童意生作者受者此名虛妄愚夫異生無聞之者於我人衆生壽者等中而生徧計此名分別總而言之故名虛妄分別此虛妄分別有故不如理作意即可施設虛妄分別無故不如理作意無所施設此虛妄分別及不如理作意有故無明即可施設三法無故無明亦復無所施設無明有故而彼諸行即可施設無明無故諸行亦復無所施設總略而言乃至生法有故而彼老死即可施設生法無故老死亦復無所施設諸長者當知一切法皆是虛妄分別所起繫屬於緣其緣法者無常無強無力無堅從緣而轉緣法有故而彼諸法即可施設緣法無故諸法亦復無所施設然於一切法所施設中亦無少法而可了知亦無少法若生若滅若起若盡亦無

別法爲斷爲常諸長者譬如池中火水流注有諸蟲魚棲止其內於汝意云何而彼諸魚依何力邪長者白佛言世尊依水爲力佛言長者於汝意云何水實有力邪長者白佛言不也世尊不也善逝佛言長者水本無逝其何有力長者白佛言無力世尊無力善逝佛言長者虛妄分別所起諸法亦復如是無力無堅從緣所轉緣法有故而彼諸法即可施設緣法無故諸法亦復無所施設然於一切法所施設中亦無少法而可了知亦無少法若生若滅若起若盡復無別法爲斷爲常諸長者而彼緣法若或如理伺察之時實不可信不可信故即生驚怖由驚怖故四向馳走又復諦誠如理伺察云何是此法云何是彼法以伺察故即不見有驚怖馳走又復如理伺察之時即無有法以無法故云何馳走何以故諸長者以一切法無所得故一切心意亦無所得又復諸長者一切法無我以離塵

霸三

六未